

廣陵醫籍叢刊

廣雅
叢刊

醫圖

叢書

耿陸金庭主編

留子起登



慈航集三元普濟方

影印慈航集三元普濟方序

揚州爲長江中下游鹽運之樞紐，安徽各地素來食用淮鹽，故明代徽州之旅揚者甚多，及至明之末造，慘遭揚州十日，城內居民靡有孑遺。當風鶴之警突來時，寓揚徽人，仗便利條件，多數登鹽舟返里，遂得免於難。待亂局救平，首返揚州者，又多徽人，故有清一代，揚地受徽俗之影響甚巨，而學術界、藝術界、科技界之關係尤深。若戴東原、鮑以文也。若查梅壑、汪巢林也。若鄧石如、包世臣也。皆其中卓卓可數者。

清初，最早返揚之徽醫，有文獻可稽者，當首推

陳郊倩，順治四年即已刻《醫學分法類編》於揚州。其次則爲程雲來《聖濟總錄纂要》，亦首刻於揚州。直至清末，徽揚醫學之往來，仍不絕如縷。

王於聖先生，名勳，徽地名醫也。乾嘉間，曾行醫於揚州，屢起危疴，名震大江南北，兩淮鹽運使曾賓谷，頗推重之。嘉慶初，詩人袁枚，年逾八十，患病纏綿不愈，耳其名，來揚乞診，投以消導之藥，竟獲痊愈。袁翁作告存詩以謝之，并將於聖尊人之詩，采入詩話中。一時，醫壇、藝壇，均傳爲佳話。

王君醫學與臨證，均有高深造詣，尤精於五運六

氣之學，善治瘟疫時症，將實踐與理論密切聯系，乃太平天国以前，揚州醫學之一巨派。其具體內容及書名解釋詳見曾賓谷、伍兆炯兩序中。王氏身世，又詳見於自序中，均不再贅。

今於影印之際，將宋代陳無擇三因極一病證方論之運氣十六方，用清代姜秋農之瑞竹堂精抄本，節採附印於後。以示王氏之學，淵源有自。并以存故鄉醫藥與藝林史事，供研究揚州醫學流派者之參攷。

第七十八甲子癸亥之歲揚州耿鑑庭序於

故居鶴來軒中



再作告存詩序

余新春患病直至孟秋辛酉不效乃到揚州
訪王於聖一治竟愈再作告存詩一以謝王君
一以慰天下人之愛之欲其生者

王子本為仙稱名不愧聖仙力能回天聖手能
奪命我年逾八旬二百餘日病九死謀一生求
醫乃越境王君一見笑道師肯駐不換柳

茅藤子重用掃帚面背城其一決毋以衰
老憂我體雖半枯幸存尚有膽野葛
啖數升達人無不敢更聞君去我一切憑
所嗜牛炙與羊羹百般無禁忌老饕大
欲喜張口如神鴉放飯與流啜不肯停
牙果始藥通神參苓即魚菽三傳既已紀
五倉麥恢復乳元還我首坤元還我腹

北坎重兩耳南離更取目有以我臟腑化
為君奴僕喚之起則起使之伏則伏又如我
肺腸交與佛圖澄剖之可以洗納之我
不驚焉古有女媧氏七十二變相我今竟似之
屢死將人誑悔作絕命詞傳播為故人所
必有好我者哀傷涕泣中急作告存詩
當作吉語閑定惹人大笑此老又還冤

嘉慶元年

集以為序

八
十
老
人
表
枚
題
於
急
航

余少讀黃帝天元五常四氣之書慷慨而歎
也曰醫賤工也無雄鈴範易之理於胸中而
責以軒岐氣化覬天道以察人病之主客無
雀衡律歷之算於幼學而責以天符太乙驗
八風以測南北司天之遷退師非苗父友豈
巫咸明乎其甘酸溢毒之刀殺人床箒之上
設不遇天行疫癘則駢斃於甘酸溢毒之手
者猶少一若五政流年百民同病禍不至坑

一鄉屠一國也不止王君於聖與余交十年
矣其醫學得之天解凡漢以來醫者之門堂
突與無所不窺而於時災瘟疫之論猶所切
究一日出所著司天甲子六十方授余曰以
此廣諸世則俗醫庶無殺人之禍而陳無擇
一十六方之旨亦庶乎廣而達矣余曰運氣
變青逆從勝復之理余讀書而得之以六十
方該六十歲干支之萬病則神農三百六十

味之本草何以附之蓋之八百餘家也內經
不設方劑方以智曰不欲以迹應無窮也槩
以六十何其約也先生曰予知天地生者氣
乎五氣定而五味生乎氣者天也溫熱者天
陽寒涼者天陰陽升而陰降也味者地也辛
甘者地之陽酸苦鹹者地之陰陽浮而陰沉
也香臭腥臊羶平淡澀滑毒則附氣味以為
厚薄者也氣之溢也養以苦脈之爽也平以

鹹骨之收也強以酸筋之肆也舒以辛肉之
弱也緩以甘辛散而行橫也甘緩而行上也
苦瀉而行下也酸收而行縮也鹹軟而行行
也故以氣使者以味使者以氣味俱使者以
先氣後味先味後氣使者一味正而百藥正
也一氣定而萬病已也人統乎氣中藥生於
味中癘疾天札一犯於五氣之變中人病雖
多不越乎陰陽寒暑燥濕風也槩以六十俾

盲瞽之醫通驗乎氣味之正變神明於藥與
病之外者也余曰六十之約吾知之矣敢問
七方十劑君臣佐使古何不憚煩也仲景傷
寒何一病而百餘方也先生曰七方者大小
緩急奇偶複也十劑者宣通補泄輕重滋滑
燥濕各立一名也仲景諸方表裏經變備一
病之奇正變陰陽而救汗下之誤也非六十
方專應司天之謂者也予亦聞醫私之對晉

侯乎和之言曰天有六氣降生五味分為四
時序為五節淫生六疾過則為災夫所謂六
疾者陰淫寒疾陽淫熱疾風淫末疾雨淫腹
疾晦淫惑疾明淫心疾也四時者厥陰春主
君相夏主土金秋主太陽寒水為冬主也五
節者初氣分前二氣分後三氣夏至四五秋
分終氣為冬藏也六氣者地氣五歲而周天
紀六朞而備於是乎寒暑燥濕風火加臨於

上下左右正化對化間也六氣之珍非六十
方不能平五節之虛非六十方不能化四時
之錯非六十方不能應六疾之作非六十方
不能救也今之博者曰古善醫者無成方彼
亦知方之貴乎史記長桑君見扁鵲而竒之
曰我有禁方年老欲傳於公公無泄乃出懷
中方與之自後扁鵲視疾特以診脈為名爾
則知扁鵲之醫脈猶後也專用方矣夫以一